

52

51

Q. D. B. V.

Solennibus Inauguralibus;

Quibus

Vir Excellentissimus, Experientissimus atq; Doctissimus,

DOMINUS

GEORGIUS
PETRUSSchulz/

Philosoph. & Medicinæ Doctor,

Nuperime in Academia Regia Berolinensi

Professor | Publ. meritissimus,

Anno Messiano MDCCXI. d. 22. Decembris.

Gymnasii Thorunensis Pro - Rector
& Profess. Publ.

Publice constituitur,

Debiti officii & observantiae declarandæ ergo,

Gratulabunda accedit

Literis ibidem operantium Corona.



THORVNII,

Impressi: JOANNES NICOLAI, NOB. SENAT. & GYMNASI TYPGRAPHVS.

-100-

Assurge huic diei studiosa Juventus,

Quæ, ut firma stare possis, effecit :

Nam quod tua salus nitatur PETRIS,

Hoc illius beneficium.

Exulta Musarum Parnasse,

Veniente illa die,

Quam, antequam illucesceret, vidimus;

Præcurrente velocitatem Zodiaci, multo velociori

Votorum orbita,

Scilicet

Impatiens moræ magnæ felicitatis expectatio

Sero venturæ lucis latitudinem mente præcepit.

Ita est:

Exortus nobis erat Sol, antequam exoriretur,

Et Sole huc carentes, radiis ejus collustrati sumus.

Nimirum

Excellentissimi SCHULTZII Nomen,

Licet nostro nondum conspicuum Horizonte,

Claritatis suæ fulgore oculos præstringebat;

Et, utut involucris longi intervalli tectum,

Totam Pindi nostri simul replevit sphæram.

Nec mirum,

Major enim gloriæ, quam Solis lumen,

Nec ita illud, ut hoc, dimidio terminatur.

Quid enim ibi dimidium,

Ubi nihil imperfecti invenit locum?

Nemo dubitat,

Ad summum evasisse laudum verticem,

Quem,

Masarum futurum Præsidem,

solida Etuditio,

erudiendi que incomparabilis Dexteritas, Fides, Industria

in Parnassum comitantur.

Sed non submittit se vulgari judicio hoc laudum

culmen,

Satius itaque tacendo loqui,

i. e. silentio testari,

Nostram dicendi vim eo sublimitatis haud sese

expor-

exporrigere.

Cedat sermo admirationi locum,
Admiratio venerationi,
Veneratio votis :
Vive, vige, flore
PATRONE æstumatissime,
Et, ut brevibus omnia complectamur:
Utete fortuna perpetuo virtutum simillima

Hoc vovent ex animo.

Curiæ Supremæ Auditores.



Cum Pandionias subiit Pompejus Athenas
Totius infractas post Orientis Opes:
Quemque Professorum fertur donasse talento
Quod prius in clara fecerat ipse Rhodo.
At tuus Adventus gazam majusque talentum
Advexit, doctis quam dedit ille viris ;
Utpote Doctrinam, qua, Vir Doctissime, polles,
Quæ si sit, nullum Numen abesse potest.
Nam paucis tantum Pompejus munera præberet.
TU vero multis commoda ferre potes.
Ille Professores donavit munere tali
Quod quali casu cunque perire solet ;
Sed TV nos cumulas tantis, Doctissime, donis,
Tempora quæ nunquam perdere longa queunt
Ad nostras quare sospes cum venetis Oras
Gratari nobis possumus atque TIBI
Sis facilis nobis, doctas qui Palladis artes
Instillas Musis ingeniiisque plis
Quod superest lati Numen cœlestè precamur
Ut velit incepitis rite favere Tuis
A Te quo semper præstans Heliconia turba
Ingenii multas carpere possit Opes.

Hicce paucis gratulabantur

Auditores Primæ Clasfis.

Progenies veteri quondam de sanguine Iude
Favit eis, quibus est curæ cordique juventæ
Tradere literulas vitæ & præcepta regendæ:
Illi hinc etiam prospexit legibus amplis,
Quæs illos satis eximio decoravit honore.
Dum clare sanxit parili ratione verendos
Esse Magistros, quosque dedit natura parentes;
Casibus ac etiam multis his prætulit illos:
Ordine quos longum foret hic adducere cunctos.
Magnus Alexander Macedo, licet Ethnicus esset
Haud aliter sensit, se plus debere Magistro
Quam proprio patri statuens, a quo tamen usum
Vitæ, fortunas, regnum & diadema tenebat.
Doctorum nitidas auro Antoninus habebat
Effigies, ornans illorum floribus urnam
Cæsareum Numen, dederat cui Gratia nomen,
Officio Ausonium Romani Consulis ornat,
Atque suo se Doctori debere fatetur
Tantum, quantum illi jam concessisset honoris
Numinibus, vitæque autoribus atque Magistris
Gratiæ Aristoteles censet, non posse referri.
Verum non opus est, verbis hic pluribus uti;
Quippe Magistros esse verendos nemo negabit
Nec non maestandos & amore & honore parentum;
Ingenuis qui animos nostros virtutibus ornant
Atque bonas artes & lingvas gnaviter urgent,
Ut dicantur sic animorum jure parentes.
Hinc vereamur eos, voluit quos Iova Magistros,
Primitiasque novo nunc assignemus honorum
Doctori, varia qui dudum floruit arte.
Quique suis studiis docto jam innotuit orbi.
Quare nunc aditum digno maestemus honore
Obsequiūmque Tibi nostrum mentemque dicemus,
Usque Tibi servet vultum fortuna benignum,
Nostra saltis ut Te semper Doctore vigescat,
Atque salus multum per Te quoque publica crescat.

Sic gratulantis
Clasfis Secundæ Auditore
nos (O) 50